

2025 წლის საერთო სამაგისტრო გამოცდის შეფასების ზოგადი კრიტერიუმები

საერთო სამაგისტრო გამოცდის ტესტი ოთხი ნაწილისაგან შედგება. ეს ნაწილებია: წაკითხულის გააზრება; ანალიტიკური წერა; ლოგიკური მსჯელობა; რაოდენობრივი მსჯელობა.

წაკითხულის გააზრებაში, ლოგიკურ მსჯელობასა და რაოდენობრივ მსჯელობაში:

1. სწორი პასუხის გაცემისთვის იწერება 1 ქულა;
2. თუ არც ერთი პასუხი არ არის მონიშნული, იწერება 0 ქულა;
3. არასწორი პასუხისთვის აკლდება 0.2 ქულა (ანუ იწერება -0.2 ქულა).

ანალიტიკური წერა

ანალიტიკური წერის ნაწილი (პირობითად, „ანალიტიკური წერა“) შედგება ორი დავალებისგან:

- I. მსჯელობის ანალიზი (მაქსიმალური შეფასება - 9 ქულა);
- II. თემა მოცემულ საკითხზე (მაქსიმალური შეფასება - 9 ქულა).

დავალება I - მსჯელობის ანალიზი - 9 ქულა

	კრიტერიუმები	განმარტება	მაქსიმალური ქულა
1.	ანალიზი (არგუმენტები)	კრიტიკულად უნდა იყოს განხილული მოცემული ინფორმაცია; გაანალიზებული უნდა იყოს მოვლენებს შორის მიზეზშედეგობრივი კავშირი, მართებულად უნდა იყოს წარმოჩენილი მიღებული შედეგის გამომწვევი შესაძლო მიზეზები.	3

2.	თხრობის ორგანიზება, სტრუქტურა	ნაწერი ლოგიკურად უნდა იყოს ორგანიზებული; აზრები უნდა იყოს თანამიმდევრული და ერთმანეთთან ლოგიკურად დაკავშირებული.	2
3.	სტილი, ლექსიკა	აზრები ცხადად, ნათლად უნდა იყოს გამოთქმული, ნაწერი უნდა იყოს სტილისტურად გამართული, ლექსიკა უნდა შეესაბამებოდეს მოცემულ თემატიკას.	2
4.	სინტაქსი, მორფოლოგია, პუნქტუაცია	ნაწერი შესრულებული უნდა იყოს თანამედროვე სალიტერატურო ენის ნორმების დაცვით.	2

დავალება II - თემა მოცემულ საკითხზე - 9 ქულა

	კრიტერიუმები	განმარტება	მაქსიმალური ქულა
1.	ანალიზი (არგუმენტები, მაგალითები)	წარმოდგენილი უნდა იყოს მოცემული საკითხის გააზრებული, დამაჯერებელი, სრული ანალიზი; ავტორის პოზიცია დასაბუთებული უნდა იყოს შესაბამისი არგუმენტებით, დამაჯერებელი, ადეკვატური მაგალითებით.	3
2.	თხრობის ორგანიზება, სტრუქტურა	ნაწერი სტრუქტურულად უნდა იყოს გამართული, აზრები – მწყობრად, თანამიმდევრულად გადმოცემული; თხზულების ნაწილები ერთმანეთთან ლოგიკურად უნდა იყოს დაკავშირებული.	2
3.	სტილი, ლექსიკა	აზრები ცხადად, ნათლად უნდა იყოს გამოთქმული, ნაწერი უნდა იყოს სტილისტურად გამართული, ლექსიკა	2

		უნდა შეესაბამებოდეს მოცემულ თემატიკას.	
4.	სინტაქსი, მორფოლოგია, პუნქტუაცია	ნაწერი შესრულებული უნდა იყოს თანამედროვე სალიტერატურო ენის ნორმების დაცვით.	2

იმისათვის, რომ ნაწერი ყველა კრიტერიუმის მიხედვით გასწორდეს, ის უნდა აკმაყოფილებდეს შემდეგ პირობებს:

(1) უნდა შეესაბამებოდეს მოცემულ საკითხს, დავალების პირობას.

(2) არ უნდა წარმოადგენდეს დავალების პირობის პერიფრაზს.

(3) შესრულებული უნდა იყოს გასარჩევი ხელწერით.

თუ რომელიმე ამ პირობებიდან არ იქნება დაცული, ნაწერი შეფასდება 0 ქულით.

ნაწერი ოთხივე კრიტერიუმის მიხედვით სწორდება მხოლოდ იმ შემთხვევაში, როდესაც ნაწერის მოცულობა არის არანაკლებ 100 სიტყვისა.

თუ ნაწერი არის 100 სიტყვაზე ნაკლები, მაშინ ის შესწორდება მხოლოდ პირველი კრიტერიუმის მიხედვით.

2025 წლის საერთო სამაგისტრო გამოცდის თითოეული ნაწილის მაქსიმალური ქულა და
საგამოცდო დროის ხანგრძლივობა

ტესტის ნაწილი	მაქსიმალური ქულა	დრო
წაკითხულის გააზრება	21	75 წუთი
ანალიტიკური წერა	18	70 წუთი
ლოგიკური მსჯელობა	17	70 წუთი
რაოდენობრივი მსჯელობა	19	75 წუთი